



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Capitularia Regvm Francorvm

Additae sunt Marculfi monachi & aliorum formulae veteres, & Notae  
doctissimorum virorum

**Baluze, Etienne**

**Parisiis, 1677**

Capitulare primum anni DCCCX. sive capitula quae anno decimo imperij  
Domni Karoli serenißimi Augusti Aquis palatio commonita sunt.

**urn:nbn:de:hbz:466:1-19366**

CAPITVLARE PRIMVM  
ANNI DCCCX.

*Nunc primùm editum ex veteri codice MS. sancti Vincentij Metensis.*

CAPITVLA QVÆ ANNO DECIMO IMPERII DOMNI  
KAROLI SERENISSIMI AVGVSTI AQVIS  
PALATIO COMMONITA SVNT.

- III. 59. I. DE clamatoribus qui magnum impedimentum faciunt in palatio ad aures Domni Imperatoris, ut Missi sive Comites illorum Missos transmittant contra illos qui mentiendo vadunt, ut eos convincant.
- App. II. 18. II. Vt ante Vicarium & Centenarium de proprietate aut libertate iudicium non terminetur aut adquiratur, nisi semper in præsentia Missorum imperialium, aut in præsentia Comitum.
- Ibid. 29. III. De homicidiis factis anno præsentis inter vulgares homines, quæ propter pulverem mortalem acta sunt.
- I. 159. IV. Vt sacerdotes admoneant populum ut eleemosynam dent & orationes faciant propter diversas plagas quas assidue pro peccatis patimur.
- Ibid. 160. V. Vt ipsi sacerdotes unusquisque secundum ordinem suum prædicare & docere studeat plebem sibi commissam.
- Ibid. 161. VI. De ebrietate, ut primùm omnium seniores semetipsos exinde vetent, & eorum junioribus exemplum bonæ sobrietatis ostendant.
- Ibid. 162. VII. Admonendi sunt omnes generaliter, secundum evangelicam auctoritatem, ut sic luceant opera vestra coram hominibus ut glorificent patrem vestrum qui in caelis est.
- Ibid. 160. VIII. De fugitivis qui per diversas provincias detenti & occultati contra præceptum Domni Imperatoris sunt, ut qui eos post præteritum tempus susceperit aut retinet, bannum dominicum componat.
- IX. De pace & iustitia infra patriam, sicut sæpe per alia capitula iussi adimpletum fiat.
- X. De latronibus qui magnam habent blasphemiam, quicumque aliquem ex ipsis comprehenderit, nullum damnum exinde patiatur.
- XI. De heribanno, ut diligenter inquirent Missi qui hostem facere potuit & non fecit, ipsum bannum componat, si habet unde componere possit. Et si non habuerit unde componere valeat, reuadiatum fiat & inbreuiatum, & nihil pro hoc exactatum fiat usque dum ad notitiam Domni Imperatoris veniat.
- XII. Herisiz qui factum habent, per fidei iussores ad Regem mittantur.
- XIII. De beneficiis destructis & alodibus restauratis.
- XIV. De freda exigenda.
- XV. De materiamine ad naves facienda.
- XVI. De vulgari populo, ut unusquisque suos juniore distingat, ut melius ac melius obediant & consentiant mandatis & præceptis imperialibus.
- XVII. De eleemosyna mittenda ad Hierusalem propter Ecclesias Dei restaurandas.
- XVIII. Vt nullus hominibus maligenis consentiat, sed magis, in quantum potest, resistat. Vt pauperes, orphani, & viduæ, & Ecclesiæ Dei pacem habeant.

